



Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 134. Ducas Bedfordiæ & Reginæ Caroli VII. Matris obitus.

[urn:nbn:de:hbz:466:1-66426](https://nbn-resolving.de/urn:nbn:de:hbz:466:1-66426)

Sæcul. XV.

A.C. 1435.

§. CXXXIII.

*Angli ob prædictam pacem Duci graverter indignati.*Polydor.
l. 23.

Promulgata ubique pax universis Francis summum gaudium attulit, ringentibus econtra ultra modum Anglis, qui idcirco non sine stomacho Burgundiæ Duc Legatos, probris ac contumeliis onerato remiserunt, perjurum ac foedifragum eorum Dominum criminantes, eoquod concordiæ cum Carolo VII. initæ subscrindo, fædera cum ipsis antehac ista perfide violasset. Unde cunctos Burgundi subditos mercaturæ, aut aliorum negotiorum caufa in Anglia existentes, tota insula expulerunt.

§. CXXXIV.

Ducis Bedfordiæ & Reginæ Caroli VII Matris obitus.

Sub idem tempus maximo rei Anglicæ detrimento, mortuus est Dux Bedfordiæ Regis Angliæ patruus, & Francia administrator: Eo enim sublato non nisi Viri feroce, stolidi, atque a sana agend ratione ac prudentiæ legibus alieni infausto prorsus fato rerum summam gerebant. Interea vero Galli admotis scalis Deppæ moenia transcendunt, urbemque occupant. Magnanima Victorum comi-

tas, qua sibi incolas ubique devinciebant. Sæcul. XV.
brevi in horum animis pristinum in Gal- A. C. 1435.
los affectum resuscitabat; quocirca illi
exiguo temporis intervallo omnes Cale-
tensis agri urbes prospero Marte recupe-
rabant.

Itidem fatis functa est ultima die Se-
ptembris hoc anno Lutetiae Parisiorum
in Palatio S. Pauli Isabella de Bavaria,
Regina, & Caroli VII. Mater, quæ Mari-
to suo orbata atque ab omnibus regni cu-
ris semota ad magnam dejecta est ino-
piam; insuper haud immerito Gallis om-
nibus invisa, atque ab ipsi summet Anglis
despectui habita, adeo, ut illi defunctæ ca-
daver, ne funebris pompæ sumptus susti-
nerent, in quadam parva scapha non nisi
sub quatuor Personarum comitatu ad Ec-
clesiam S. Dionysii transferri curarent.
Nonnullorum testimonio discimus, Isabel-
lam ex immodico tædio, ac animi ægri-
tudine exspirasse, eoquod Angli ipfa
præsente, Carolum Regem ejus Filium
ex illico concubitu ab illa suscepimus fu-
isse, acerbo admodum sarcasmo effutire
attentassent, sunt tamen, qui referunt,
eam nimio, quod ex nuncio foederis Gal-
los inter & Burgundum initi hauserat,
gaudio perfusam fatis cessisse.